

2. In omni idea (notione, conceptu) duplex esse (duplex realitas seu perfectio) considerandum est: unum formale seu *proprium*, quatenus est operatio mentis; alterum objectivum sive *vicarium*, quatenus est imago rei cogitatae, seu quatenus est vice illius. Et hæc duo non tantum in omni conceptu, verum etiam in omni alia imagine, imò in omni signo accuratè sunt distinguenda.

3. Utque meliùs distingui possint, hæc notentur exempla & similia: vocabula sunt soni dum viva voce proferuntur; sunt figuræ & colores dum scribuntur; utrumque voco eorum esse *proprium*: at quòd hæc vox hanc rem, illa illam significat & pro illa re ponitur, id appello illius esse *vicarium*. Nummus secundum esse *proprium* est argentum, aurum, cuprum &c. secundum esse *vicarium* habet talem ac tantum valorem, qualem & quantum Princeps aut Magistratus præscripsit. In proregibus, proconsulibus, legatis omnibusque omnino vicariis aliud est, quòd sint homines, aliud verò, quod talem præcisè relationem habeant, ut sint vice & loco regis, consulis, principis vel alterius cuiuscunque principalis. E 2 4. I-